



PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 13 FULAN OUTUBRU TINAN 2014

KOMUNIKADU IMPRENSA

Sorumutu estraordináriu Konsellu Ministrus nian iha loron 13 fulan outubru tinan 2014

Governu hala'o sorumutu estraordináriu iha loron-segunda ne'e, loron 13 fulan outubru tinan 2014, iha sala sorumutu Konsellu Ministrus nian, iha Palásiu Governu, iha Díli, no aprova tiha ona:

1. Projetu sira kona-ba konstrusaun rede rodoviária nasionál

Konsellu Ministrus aseita ona paresér husi Komisaun Nasionál Aprozionamentu nian kona-ba konkursu sira kona-ba konsesaun projetu sira iha setór hadi'a rede rodoviária. Liuliu, ba projetu sira ne'ebé maka iha relasaun ho hadi'a no halo manutensau ba ligasaun rodoviária ba estrada ne'ebé liga Laklubar ho Natarbora, no estrada ne'ebé liga Dili ho Ainaro (Bandudatu – Aituto no Aituto - Ainaro).

Konsellu Ministru analiza mós diploma rua mak hanesan:

1. Proposta Lei ne'ebé mak aprova Orsamentu Jerál Estadu Repúblika Demokrátika Timor-Leste ba tinan 2015

Iha kontinuasaun husi sorumutu Konsellu Ministrus kotuk ba (sorumutu estraordináriu iha loron 2 fulan outubru tinan 2014), iha ne'ebé mak halo aprovasaun ba Lei ne'ebé aprova Orsamentu Jerál Estadu Repúblika Demokrátika Timor-Leste ba tinan 2015, no molok halo nia apresentasaun ba Parlamentu Nasionál, Governu analiza ona kestaun balun ne'ebé mak iha relasaun, liu-liu ba dokumentasaun ne'ebé maka sustenta Proposta Lei ne'e.



2. Alterasaun dahuluk ba Lei Orsamentu Jerál Estadu Repúblika Demokrátika Timor-Leste ba tinan 2014

Diploma ida ne'e sustenta nesesidade atu altera Lei Orsamentu Jeral Estadu nian ba tinan 2014 atubele permite levantamentu ida ne'ebé boot liu husi Rendimentu Sustentável Estimadu (RSE) husi Fundu Mina-rai nian karik ezekusaun orsamentál liu ona (porsentu) 75% atu nune'e bele asegura reserva likidéz (osan) ne'ebé presiza atubele hatán ba kualkér akontesimentu hirak ne'ebé la previstu, hanesan possibilidade kona-ba dezastre naturál boot hirak ne'ebé bele estraga Timor-Leste hanesan hirak ne'ebé akontese iha rejaun Ázia Pasífiku nian.